

填詞不離乎情情又因境而發若無情未與言
詞即有情矣而居非其地詞亦未能工也我吳越
間饒佳山水本有情之鄉故宋詞自南渡以後類
多纏綿幽婉勝於汴京豈非地使然乎華亭高子
查客固深於情者而九峰三泖又皆掩映几席所
謂戶藏煙浦家具畫船無往非詞人之境宜其倚
聲之工矣比以定省來遊京師編輯所製以羅帶
草自題其卷蓋取高竹屋詠草詞江南舊恨翻憶
翠羅帶之句以自寓鄉國之思未嘗頃刻忘也昔
白石老仙每得一解即使侍兒倚洞簫吹之數百

年來雖譜存而聲亡然查客諸調風格相似試令
玉肌花貌隨意按拍聽以自娛未始不可也吾鄉
去五昔最近他日操牒相訪徵逐酒旗戲鼓間以
寫其放浪煙波之情願更與查客期之桃鄉農李
符

今天下言詞者非辛蘇則秦柳然亦襲其貌耳至
於神理都未夢見若語以南渡後諸家舌橋而不
下矣高子查客投余一編大都出入於玉田碧山
之間而細膩過之若畫堂春之一痕煙浪長柔藍
渡江雲之西風陣陣卷荒煙翠澹峰螺月華清之

雲際無風澹了碧痕千頃桂枝香之響滴林梢倦
葉也應飄落燕山亭之別院秋千閑了樹頭紅影
雖起昔人於今吮豪按拍無以加之也高子年在
終賈便已凌轢詞壇如此遲之數年吾知有井水
喫處莫不歌羅帶草也為題數語歸之試質之竹
垞先生以僕言為然否耶安丘曹貞吉

雲間詞矯時敝故多正始之音然吾嘗苦草堂諸
編為其不異人意若蓴鄉釣師者將移我情矣東
華軟紅塵忽忽如夢當歸江南於畫船聽雨時讀
也勾吳嚴繩孫

擬樂笑中仙幾於神似向與謾苑論詞意無不合
今更思與阿戎譚矣小長蘆朱彝尊

晏有小山蘇有斜川家數自然迴別陽羨陳維崧
尊鄉諸令大是舊人筆意德清蔡曜

羅翥草極其旖旎如徐熙畫花反側背面俱能宛
肖楓江徐鉉

梅谿第一是侵階羅襪語耐人反復若以尊鄉瓊
瓏石消受屐聲頻點較之自覺更俊嘉興周箕

長短句昉於唐盛於宋本朝操觚之士競尚填
詞更發周柳辛陸諸人之所未盡吾家查客作羅

翥草麗不至褻新不犯陳讀之激昂蘊藉齒牙皆
決昔東坡山谷亟稱少游而伊川以爲褻瀆柳耆
卿名重一時而半山惜其心爲謬用查客才縉年
富姑以流連光景詠歌太平爲樂其所抱實不止
此余旣如東坡山谷之擊節而又以伊川半山之
語進之也江邨士奇跋時康熙歲癸亥冬十月

冶習難忘譜異才雲衣花夢共徘徊江頭采得田
田葉妝閣螺牋一色裁錢德震

讀罷新詞黯自傷朽株羨殺牡丹香回思四十年
前日亦解微吟對月光吳騏

當年陳李是吾師摧折幽蘭世已移卧子舒章詞
名幽蘭草今

日羅帶新草出風流不墜使人思計南陽

海內詞人能有幾菰邨妙絕更萼鄉紅牙按盡羅
帶譜風颺青帘獨擅場賦蟹題蟬唱白蓮五茸才
子筆如仙草窻竹屋渾難擬查客前身是玉田沈

皞日

別裁色樣青螺掃可似當年竹屋無新譜攜來冰
萼底冷香一片雪模糊鄉緒茫茫鬢漸絲不堪重
唱翠羅詞桃花影裏江南恨正在湔紅簇蝶時魏
坤
紅絲小研試煙丸鈿鏡朝朝對伯鸞解說羅裙新
譜好曹家碑背記曾刊朱昆田

湘管風流自脫塵吹花鬪酒水雲身吟情絕似并
刀快剪得江南一段春蘭窻斜褰七香箋悅聽風
鶯殘夢邊一自羅裙新草出紅牙誰復按屯田邵
瓊

也曾按闋譜金荃一艇煙鄉住六年燕子春風桃
葉水飄零舊雨已茫然易酒如澠瀉不停惜無好
句鬪旗亭銀鐙誰唱羅裙曲喚我尊塘夢一醒龔

翔麟

自小蘇臺合洞簫麗人紅燭賞春宵風殘月曉何
人恨唱徹新詞夢轉遙湘瑟初停曲正希彩雲吹
散淚空揮故應百幅紅羅帶化作漫天蛺蝶飛張
大受

拋了江南肯忘却歷亂深花淺草寒處偏怯飛沙
低徊那時好誰遣得沉浮久矣總描摸霧昏煙曉

腕底春生烏絲翠滿青管紅繞 可堪此一段心
情問縫月裁雲幾時到回首粉香游冶奈湔裙人
杳憑寄與征鴻攜去付曲屏按拍多少想見無限
相思小山圓泖調寄琵琶仙浦越喬
白苧人填白紵辭翠蛾珍重翠羅時贏得旗亭畫
壁侶困瓊卮 蘭鷁而今移未晚西湖風月解相
知十日淹留真不羨影娥池調寄山花子郎廷極
近來長句信能為樂府緣知妙色絲笑指儂家一
樹梨正相宜半刻君詞半刻詩調寄憶王孫張士
俊

羅君草目錄

卷一

燕山亭

畫堂春

瑣窓寒

臨江仙

惜紅衣

行香子

華胥引

一枝春

拋毬樂

喝馬一枝花

臺城路

踏莎行

於中好

疎影

露華

尉遲杯

霜葉飛

惜紅衣

清平樂

滿庭芳

暗香

金縷曲

簇水

瑤花

卷二

探春

春草碧

淡黃柳

夜飛鵲

摸魚子

奪錦標

二調

西江月

帶人嬌

大有

玉女搖仙佩

滿江紅

秋霽

過龍門

應天長

酹江月

月華清

桂枝香

洞仙歌

金縷曲

小重山

渡江雲

祝英臺近

卷三

蒼梧謠

南歌子

二調

桂殿秋

玉連環影

江神子

生查子

點絳脣

浣溪紗

霜天曉角

減字木蘭花

卜算子

采桑子

好事近

四調

清平樂

二調

更漏子

眼兒媚

二調

山花子

一絡索

沙塞子

醉花陰

二調

賣花聲

河傳

鷓鴣天

鵲橋仙

虞美人

踏莎行

小重山

唐多令

蝶戀花

三調

漁家傲

蘇幕遮

卷四

酷相思

青玉案

紅娘子

江城子

風入松

祝英臺近

洞仙歌

惜紅衣

喝馬一枝花

滿江紅

一枝春

滿庭芳

羅君草目錄

長亭怨慢

二調

天香

夏初臨

尾犯

瀟瀟雨

無俗念

月下笛

水龍吟

桂枝香

卷五

齊天樂

四調

憶舊遊

瑤花慢

龍山會

探春

綺羅香

南浦

四調

疎影

鬪嬋娟

四調

沁園春

摸魚子

四調

二調

金縷曲

十二時

羅君草目錄終

羅君草目金

羅君草卷一

萼鄉釣師 高 不騫 查客

燕山亭

花朝對雪懷鄉里作

敲枕慵聽低語隔窓盡說朝來冷沉炷暗消別院
秋千閑了樹頭紅影不淺芳情奈小巷花聲猶靜
苔徑看積素融殘粉痕重凝 回憶鄉國年時鬪
葉葉單衣玉蘭風猛尋春到處樵弟漁兄歌撓鎮
常相竝旅夢今宵悵有路欲歸還醒冰鏡添一半
冷光破暝

畫堂春

二月十六日夜雨

西山空翠起浮嵐隔窓雲水相涵東風聽雨幾曾
諳今夜燈含花萼非時鬪錦草芽何處抽簪一
痕煙浪長柔藍夢裏江南

瑣窓寒

清明已近庭杏未花爲賦此詞先懷鄉野

杜雨聽過禁煙看近落梅歌斷南臯此際開到滿
林紅艷挂方塘蠟粉牆腰一枝影動柔藍淺勝竹
籬門巷幾株斜映酒旗風閃吟館京園世認瘦
梗離離午陰庭院繞樹千迴芳意那隨春轉記冶
遊伴侶頻誇曲江盡日香霧捲問而今引燕簾前
翠尾何曾剪

臨江仙

禁煙日經西苑

春風澹澹吹波縠春冰消盡春池剪波春燕欲來
時瑣窓瑤戶低蘸碧琉璃宛轉金鰲猶未斷樓
船望幸應遲東君將惜柳條兒不因寒食輕挂綠
煙絲

惜紅衣

荷花紫草和李秋錦

細細紅酣紛紛綠嫵爛開春暮不浸涼波何曾慣
擎雨連畦斷壠疑踏徧生花微步南浦香艷滿
引遊人無數芙蓉別墅羅袂攀時殷勤剪雙觴
爭如只在五里短亭路魚榼翠樽攜好更摘幾叢

歸去把紺毬私簇拋與晚窻兒女

行香子

五月三日雨

潤逼朱絲冷入青絲灑中庭液雨離離沙痕幾縷
并作去聲新泥任小門開輕箔捲少塵吹洗淨高
枝壓徧卑枝算江南梅子黃時野塘添水綠蓋斜
敲正不如歸眠一舸聽鶉啼

華胥引

悔齋檢討貽流求筆

輕搖簾底一幅銀光冷風暗發恰話星槎攜弄萬
里波浪闊多少翠羽蟬絲算無此鮮潔煙黑微茫
似黏瑤島天末乍摺仍開幾曾輸漢宮團月曲

痕持比雲屏還餘數墨可惜樂遊原畔過好春時
節障面尋芳定羸檀口傳說

一枝春

流求筆和蘅圃主事

潛采江淹更相尋夢裏吟毫何處人歸北戶却說
島鄉題句橫裁蘆管也輕束鼠鬚如縷端莫辨重
譯雙鈎不似楚筠吳兔枝枝細勻花譜笑攜來
那復珊瑚擎住螺卮魚榼試把麗詞同賦翻憐瘦
小寫難盡冶情羈緒還好蠻女睂頭暈他翠嫵

拋球樂

題李耕客桃鄉農圖

算來長策城市難換農圃展吳綃煙景半幅何處

仙源亂紅無數記聽盡蘭櫂歌聲早識有栽桃沙
澗好在暗水交流遠岫低排不隔重重樹更荷田
菜壠搖黃映紫頻穿玄燕曾飛白鷺輸爾未邊人
攜綠翳青蓑全家去占垂楊圍繞深徑短籬小園
幾畝見說三十年中驅馳徧南北東西路豆花
前菱葉外憶著應憐自苦舊遊不再休話封侯儔
侶但呼跨犢秉鉏少長四五把酒占晴雨待晚膳
刈了秋場築後借書菰郡尋鷗苧浦斜艤運租船
頽指爪同畫漁樵譜知賃我耳房結鄰能否

喝馬一枝花

送融谷率來賓時家君主闈西粵

洞壑湘南秀一騎吟行良久看殘山水記柳州柳
此日重尋隔嶺城如斗遠載清琴去烏鳳聲中川
原能憶否青桂香凝袖到值瓌闈開後應憐萬
里外重去聲攜手聯舫衝波看兩岸收紅豆賦情知
未倦把笛譜翻時研粉藤牋頻鬪

臺城路

送耕客還秀水

別離慣比相逢易旗亭倦聞淒調何事重尋恁時
偏見一簇紅鴛排早漁陽古道正月底鱗鱗素雲
籠罩落葉山中垂鞭吟過幾昏曉江干更無舊
侶卸裘旋喚渡燕尾船小鬪鴨灘前種桃村裏自

此鴉鋤仍抱先生歸好只怪我飄零鄉程渺渺
粉牋長相思書不了

踏莎行

送雲士宰江陰

門望機雲詩傳鮑庾徵車那不銅樓住偏攜錦襪
十三徽江城去作芙蓉主嶺色東連浪聲西注
玉田公子曾吟處官閑搨得海山圖翻香小令須
重譜

於中好

送澹園宰房山

風翻黃葉堆燕市忍又送曉寒嘶騎一樽且向紅
亭貫話小縣羣山裏西堂判牘無畱滯便斗酒

何妨頻醉醉餘埽石橫焦尾和北砦三層水

疎影

秋柳和秋錦韻

橫江鷁首算青青曾幾搖落今驟黃映寒原玉露
離離空懷一片煙埃玲瓏葉底輕蟬翼藏不到鴈
風吹候尚誰家小婦明粧出向畫樓垂手漂泊
吳儂如樹相看無一語裂帛湖口徑轉斜陽滿目
銷魂還悵葦門非舊淒涼更挂梢頭月照冷夢頻
回吟牖認幾條遠影紛紛未數短籬花瘦

露華

聽客稱高麗煙之勝

笑他石馬採露葉蒸成向客論價那似裹來鴨綠

連颿初卸悄攜內樣羅囊分取紫絲盈把津亭路
南人北人冷涎多惹 西窓正怯寒夜見擊石聲
邊光落紅地艷說吸殘金管俊味如蔗更看小小
朱脣醉傍枕屏吹麝持贈處斜鬟向人暗謝

尉遲盃

得季真兄家書賦此却寄

鄉心亂爲者番魚腹傳銀翰虛無兩字平安驀說
霜凋梧院鈿蟬釵燕自鳳去菱花竝塵滿悵迢迢
弱水蓬萊仙草回生空盼 轉惜老去安仁共兒
女鐙前玉筯難按不比丁年疎狂舊態悼逝傷亡
能慣聽深夜風鳴窻眼擁繡被無眠多應念念天

涯小鴈飄零尚有文鴛爲伴

霜葉飛

和魏禹平詠柑鄉園有紅柑別院

藕塘秋尾栽深院青枝依約能記橙邊菊外惹微
霜也漸垂檐底端不讓宜都種子書窻暗引狂兄
弟自蘂白梢頭到蠟顆偷嘗慣覺香透衣袂 愁
絕此日金門緇塵落拓那有林下風致瑤筵縱使
燦春盤悵無由分賜正夢斷黃苞綠刺一奩重見
慈仁市憑練囊雙攜取斗酒同聽栗雷聲細

惜紅衣

和竹垞檢討賦薑

配鼓分絲沉糟截片鼎娥曾慣那必青筇騎來錦

江遠西涇放溜聽乍響聲聲初鴈斜岸香霧冥迷
喜柔苗都剪涼波纔浣玉乳含辛嘗時淚痕泣
衝寒欲與椒桂鬪深淺自惜兩年飛夢不到采花
橋畔認小車柴市經寸短芽猶羨

清平樂

送邵樾森還杭州

六橋花柳一片移栽又公子思歸回鴈候扶上雕
鞍故驟愁予宣武門邊勾畱再隔華年夢遶平
江去路新編輦道三千

滿庭芳

曹曼碩屬和對雪作

雀斂深檐鴉翻老樹凍雲一望皆同乍垂幃幙飛

片亂西東隱隱牆腰樓角鴛鴦瓦入夜都封渾疑
是神人驅到無數小瑤峰銅龍歸騎促貂衣潤
紫獸炭圍紅更妖姬遞進煖酒千鍾漂泊阿儂無
分攤書坐門掩重重空惆悵江南樂事一席剡溪
風

暗香

歲宴題棗香齋壁

軟塵倦客喜卸裘此地軒窓都僻一樹青花乍長
柔枝照紋席閒向離離影下曾牽惹吟情如織端
可惜撲盡寒條暗香不透簾隙鄉國澗水碧想
倒映幾株凍萼將拆舊遊漫憶歸路生憎短亭隔

聊倚三楹旅舍愁又見垂紅狼籍那自禁風雪夜
起題素壁

金縷曲

和容若侍衛詠水仙花禁用湘妃漢女洛神事

歲事將殘了在長安沉吟那復一枝花裊曲檻重
幃幽香散偏有亭亭碧草問甚日歐盆攜到素暈
黃圍凌波影似銀枰配入金卮小羅袖捧鶯兒倒
昔遊頻倚山塘棹記家家齊翻舊根曝乾秋杪
細擘花磚勻排後貪看青芽茁蚤自路遠南園晴
沼誰分風霜塵土外見重抽凍萼迎人笑須信是
更娟妙

簇水

冰魚

舊雨梅邊江魚似雪浮霜鏡千絲網得載一舸層
冰涼襯底事西風吹到凍合紋波影使翠鬣紅鱗
都定誰管領湘浦暖柁樓切鱠酥片落蘆刀嫩
繫儂此際但愁對寒光凝對此翻憐誤了幾日天
涯信空辜負倚袖池欄等

瑤花

夢中作此詞不省所指亦不知何調起視牀頭有
蕢洲漁笛譜倚聲得之一笑出門又見雪飛滿院也

尋山去也何處殘紅趁寒泉輕瀉圓峰西轉聞笑
語竝入煙樓霄榭盤空雲影漸低覆微黃羅帕閑
更看檐外陰連屋裏霽光翻射聰明洗淨尊前

笑兩兩金刀青女猶耍平鋪細糝馳不到人世紛
紛車馬瞥然回首只我是江南遊者認千林光福
梅花一片冷風吹下

羅翥草卷一終

羅翥草卷二

尊鄉釣師 高 不騫 查客

探春 探春花

密比攢星細猶剪雪枝枝芳意都展素柰凝芬碧
桃含淨生就絲垂縷綰疑映團圓月又稚葉青回
千點算來除是丁香薊庭幽態無伴 重省春纔
幾日催艷紫冶紅愁夢難返社雨閑飄信風成陣
未到柳眠梅綻誰似檀心小把上苑韶華先占好
插煙鬟雙雙燈市同看

春草碧

早春見花市人家盆蘭盛開

軟塵難得羅裙草那更夕陽紅名蘭回春早此地疑
有湘娥移向圓瓷種偏巧三兩簇柔尖都開了
真是價重瑤華香濃瑞腦任他滿園芳翰清悄還
念風雨深林青青一片無人到怎寫盡燈前疎影
好

淡黃柳

春分後過萬柳堂

紅亭紫陌何處搖吟筆嘶馬欲停垂柳宅先見疎
疎影裏無數香車擁油壁最堪惜時光近寒食
任相望板橋側奈短條依舊遲春色不似江南醞
黃揉綠二月晴綿已擘

夜飛鵲

送浦傳功遊貴州

城西一行柳乍起仍眠呈樹杪翠峰妍曾吹幾點
社公雨懸崖齊響飛泉相將載書載酒鬪花間碁
局燕外箏絃旗亭馬首轉愁君已袖吟鞭迢遞
木瓜金筑傳是舊牂牁襟帶南天遙指沅湘行去
蕉衫冒暑蘭艇衝煙竹雞聽盡倚新聲峭壁須鐫
悵三分明月從今照我後會誰邊

摸魚子

送蓀友中允予假南還

鎮誰知秘書堂下秋衣剪葉先補第三花信春風
動旋唱一聲南浦投牒去話白髮蕭閑惆悵

君王顧拘留不住看千騎郊坳雙魚壺榼交餞說
離緒瀛洲事曲宴承恩幾度起居玉案尤屢紅
鐙內殿從今換菰葉橫塘歸路漁笛譜記約我船
意讀罷聽疎雨問程偏誤笑華省能拋軟塵翻滯
相送黯無語

奪錦標

同竹垞看弘衍菴海棠有傷今追昔之感因話
繡水顏氏一株年來摧折吾鄉來青樓舊本三
百餘年矣近亦枯槁漫賦此解索和

小帽編藤短衣抽絮重見一春殘矣甚處吹香弄
影且挽輕鞭共尋蕭寺指紋窓六六話前度花陰
深蔽訝銷沉老榦何年好似顏家園裏 後院雙

扉不閉宛轉牆腰別映數枝濃麗笑看紅絲齊裊
方罨蜂鬚未銜鶯嘴縱無多媚色尚依稀瑤臺人
醉勝來青舊閣全蕪夢去空存煙水

西江月

有得幾枝濃艷不堪連夜尖風樹頭飛片織西東
樹底苔衣無縫 翻憶小時春盡箇人梳掠都慵
忙忙收拾瘞殘紅簾外手營新冢

帶人嬌

題柯亭孝廉情田詞

韻比風恬態如花妥待說是無情怎可一回摹寫
一回傳播似梅子黃時斷腸推賀 竹裏春眠鶯

邊卯坐任減字偷聲同作須愁粉澤更嫌塵浣悵
妙絕清真有誰能和

大有

雨度金鼇有述

太液波酣上林枝重問幾經如此清晝愛西山浮
嵐頃刻添又輕雷穩送森森雨淨水殿風亭非舊
一片乳燕飛忙半奩稚荷香透 沉吟薊庭滯久
身世等飄蓬暗塵盈袖煙景菰蘆那識禁垣都有
照影綵虹橋下渾忘了眉痕雙皺更誰數野色淒
迷松江渡口

玉女搖仙佩

詠朱氏研山爲文恪公所遺其上有米元章題字即南唐舊物也

羣峰縹緲半壑玲瓏咫尺欲攀無據滴水長涵纖
塵難上不辨採來何許紫閣雲深處話當年一笑
殷勤畱住料移傍由拳素紙題罷封章玉笈仍貯
君看八分書彩翠依然顛翁手注 重憶秦淮瓌
殿香案前頭虎僕麋丸同御子夜小詞臨池填就
定得瑤妃迴顧禁院成秋圃幾回悵流轉人間朝
暮甚此際相傳恁久蟾蜍頻換未教拋與還延佇
沙堤舊宅摩挲去

滿江紅

送查聲山遊九江

不聽離歌算倦客容易感秋那堪對露珠如雨翠

溼牽牛恰話塵沙畱未得輕揮衣袂指南州挂青
青三扇小蒲帆紅樹頭 康王谷君舊遊攀壘嶂
俯懸流仿麻姑碑刻細寫新謳錦匣芳姿供茗椀
玉壺仙酒送蘭舟赴重陽風便到章江江上樓

秋霽

送實菴舍人佐郡新安

秋水纔深愛微黃月影特地畱照別路何長鄉程
尚近紅垂一片齊棗珂聲暫到畫旃重指江天早
看徧了三十六峰嵐翠馬頭遶 沉思幾載鳳閣
雲中對鏡空羸鬢絲裊弄清絃從今且喜晝簾無
事儘吟嘯筍蕨况沾新雨好柳堤花岸憑君選勝

行春翠竿閑更把溪魚釣

過龍門

送雲客兄還福州

燕館雨初晴玉笛飛聲一樽未放酒人傾催動檣
烏檣燕影低度前汀 百徧理籤勝歸近榕城紅
窻小舫薦南烹最喜鷓鴣啼斷處螺女江青

應天長

八月十三日喜逢畢雨稼夜話

荷亭晝永竹屋晚涼搜奇按曲常共津鼓幾聲却
怪勞舟便催動槎頭鱸攜半籠佐婪尾三升交送
風潭外別淚揮如檐際懸漣 信息兩年疎忽解
驂駢相看乍疑夢忘了小窻蠻蠟圓花夜來擁鋪

葵席肩對竦語不盡離愁千種應須趁漸滿蟾輝
先倒芳壺

酹江月

十四日夜同方虎司業步月

橫街南巷捲簾看幾樹秋槐相接斗醖香傳微醉
後約我閒攜雙屨小逕流陰疎籬寫影鈿鏡飛天
末餘霞散盡碧羅千里同徹還見一片窮沙豆
花雨過淶水浮空闊風觸晴紋開艷艷比是家江
無別鴈底楓根鐙前渚尾只少舟如葉衝煙共泛
數聲長笛吹裂

月華清

十五日夜對月書懷

雙鳳城邊小山花候兔華當此偏勝雲際無風澹
了碧痕千頃更誰數春信溶溶也宛有霓裳畱映
香徑引多少秋娘蕙鑪消領何處謝公樓畔聽
絲竹聲中倚簾人竝笑語低飄擬盡玉杵金鏡不
分對沙塞清光但夢遶湘江圓影還省負枯荷池
上曲廊閒靚

桂枝香

十六日夜齋中聽雨

陰濃似幄認小眼紋窓霽光非昨響滴林梢倦葉
也應飄落隔年鴛錦衰綿少傍風牀嫩涼先覺一
條蟲蠟無端減了幾分紅萼話十畝水邊亭閣

弄溼桂暗香頻透簾箔剩暖牽寒好景此時難度
封侯有路憑誰覓漫相隨斷蓬漂泊不眠翻悔從
前遲把五湖商略

洞仙歌

題張漢瞻望雲圖即送南還

燕歌易酒恨相逢未款幾日西風又吹散趁柳枝
黃映柿葉紅翻魚雲外去逐一繩新鴈 東吳秋
正美蓴脆鱸肥艇子開篷坐張翰鄰犬吠籬根阿
段迎來話白髮含飴猶健只可惜拋儂未歸人對
十里河橋暮蟬悽惋

金縷曲

送陳山農歸里

斗帳應無寐盼遙天鴈風吹送曉霞魚尾便駕輕
車金犢頸才待吹菰煙起看飛趁帆竿燕子重與
吾家三十五謂雲客話荔枝紅照漳江市牽一段好
詩思 郵籤數盡投吳會正深林橘綠橙黃採香
姝麗試滌青花磨翠餅徧寫鷗塘秋意但歸到竹
籬門啓藥圃蘭畦依舊在望橋東小墅空煙水莫
忘了早梅寄

摸魚子

送陳雲銘重遊漢陽

向春深燕梢船艤右安門畔同住筍鞵藤帽重相
訪小閣茶煙朝暮指竹垞先生所傲也秋思苦指似雪蘆花細

糝津亭路因人又去悵兩扇書窓半竿吟席將隔
幾行樹 殘年物摒擋香粳綠醕家林隨意延佇
東風一縷沙痕動還逐晚程行旅清夜語怪六槩
迎潮三聽瀟湘雨閒愁如許對神女祠雲郎官湖
月圓夢轉江渚

小重山

送藥亭孝廉還廣州

凍雨纔飄十二街天南人意苦傲裝迴籤程先算
嶺頭梅拖筇處能見幾分開 滄酒勸餘杯小樓
三宿話不勝懷何當閑訪越王臺水巖石採取試
光煤

渡江雲

送禹平還嘉善

青門楊柳樹前番折處酒伴已無多那堪提畫榼
恰向離亭重唱犯聲歌西風陣陣卷荒煙翠澹峰
螺添一夜繩橋霜冷翻渡白溝河 愁他鳴沙紙
閣落葉銅街尚依然畱我輸此去羹粘野雀酒熟
鄉禾交花複帳遮殘夢聽五更臨水調梭真勝是
郎當幾箇鈴騾

祝英臺近

送朱虞省遊太原

指拋毬聽賽鼓芳歲漸催暮亂水滹沱忍又送人
渡算程千里衝沙重關踏雪纔得近天涯句注

羅君草卷二
剪雙艣曾記漁唱同傳一片冷楓路底事年來歸
夢遠煙浦翻教琥珀樽前琵琶絃裏聽阿鞞邊愁
如訴

羅君草卷二終

羅君草卷三

蒼梧謠

尊鄉釣師
高又不騫
查客

聽紅板橋南火尚明重簾護無復剪刀聲

南歌子

鼓拽潮平岸鉤簾月滿舟人在鏡中遊是誰橫玉
笛最高樓

又

衣潤連宵透衾寒向曉添小鬟樓上卷珠簾笑指
西樓官道欲通船

桂殿秋

鐘斷也夢初殘
搖搖花影到朱欄
歡成未忘相思
苦帳底腰肢各自看

玉連環影

纔見避入銀屏半
不露蠻腰那不遮
猩點暗相思
兩心知除是素琴紅葉好通辭

江神子

藕絲風裏上簾鉤
暗香浮夕陽幽
無賴一雙鷓鴣
戲芳洲喚起閒情
何處着將放眼
又低頭

生查子

梧葉點銀牀
一剪微風發言念
小樓人已作三年
別舊事幾迴腸
有話無因說
但記綠蛾彎
每每憐新月

點絳脣

青谿畱別胡孟行

舊板橋頭一谿風
月畱儂住好懷無數
只怕歸期誤
寄語伊人莫為添離緒
雙柔櫓劃波來去
總是江南路

浣溪紗

雨花臺

繫馬高林對月娥
清光冷冷上藤蘿
酒帘茶竈暗消磨
自昔紅亭看燕舞
而今白水剩漁歌
斷人

腸處不爭多

霜天曉角

秋潮

煙靄重重鴈驚回碧空數曲畫橋平處看箇箇理
還卿溶溶誰與同有人粧閣中向晚也應腸斷
添一抹鏡痕紅

減字木蘭花

剪

輕於燕子纖手迎來開翠尾薄倖江郎客裏偷教
巾笥藏離愁一縷借問憑伊裁得否鬪綵宮中
不待春風花自濃

卜算子

飛雨過金塘風約湘簾動簾底鶯兒酒滿卮少箇
人兒共無分做鴛鴦擬做鴛鴦夢淒斷誰家縹
緲樓玉管聲聲弄

采桑子

客愁何似秦淮渡顧影評論不改粼粼暗覺新潮
減舊痕愁多更見湖頭樹漸露朱門門底人人
軟語今朝是小春

好事近

做朱希真漁父詞

心與白鷗閑生怕軟紅塵陌隨意沙頭溪口有漁
竿消日柳絲風引度前汀便住板橋側推髻眠

來一處聽鄰船橫笛

又

月額雨如絲江上晚來潮急船尾紅鐙纔點跳盈
筐鮮鮒翠篙插罷解青蓑一帶柳陰黑且掩烏
篷穩卧任聲聲滴滴

又

圓泖去垂綸撐過小崑山脚遙見晴光似鏡破野
禽低掠偶然湖畔采香蓴笱箸暫拋却好是梅
花劉酒喜今朝沾著

又

江月漾空虛兩岸煙巒明滅遞入菰蒲深處照頭
生白髮桃花面面武陵溪舊事對誰說夜靜遙
聞山寺報鐘聲百八

清平樂

水精簾底日出三竿矣寶髻青鴉盤未起下了鴛
幃仍睡夢魂何處清遊依稀十二層樓回想夢
中情事檀郎枉道風流

又

小桃源亭子同蔡璣先兄弟

秋光已去人向江城住鞭影祇諳桃葉渡重入桃
源西路行行酒旆搖青拚教共醉旗亭可惜愁

邊易醒依然鄉夢無憑

更漏子

曉別朱西駿

酒初闌鴉便起月色半消衣袂牽露柳剪煙條玉
驄當戶驕 棗林南江水北後夜孤眠山驛菱葉
港藕花池逢君又幾時

眼兒嬌

江夜

浴鳥飛鷺滿銀塘好爲送歸艍翻憐萍梗怎忘桃
葉故故迴腸 無端遠渚漁歌靜寒月挂明璫數
聲櫓下一絲風裏夢落瀟湘

又

鴛鴦

綠蒲灣口白蓮東波面一條紅回看却是隨波錦
翼對浴嚙嚙 日斜風細無人處說與采菱脚記
歸圖向五絲裙摺十樣眉峰

山花子

脉脉紅顏淡曉霞講臺南畔那人家身似西陵蘇
小小最天斜 歌管夜闌聲入細畫船歸去拓窻
紗笑指山塘鐙影裏數名花

一絡索

鍾達夫齋夜話

把酸沉吟歸路又一番停艣小橋門巷總依然只
少點杏花春雨 記得與君題句鶴洲鴛渚經冬

錦樹未全凋可再到同遊處

沙塞子

登清涼諸山小憩雞鳴寺

廿年纔一識金陵牽細馬近陟雞鳴看樹杪長江
似練靜遶高城 河山如許已關情何況對塔火
重青付多少六朝舊事一夜鐘聲

醉花陰

春風

有恨無情誰得見脉脉傳香遠纔動酒家帘綠水
紅橋浪又鱗鱗卷 飄煙灑雨陽春半莫惜花如
霰柳外小樓中陣陣吹將人共長條軟

又

秋風

白雲舒卷涼蟾吐漸覺欺金縷搖曳夜香亭羅帶
輕翻遠近流沉炷 空江浪拍霜飄處亂落青楓
樹小艇夢橫塘一片蘆花勾引移前渡

賣花聲

遲日淡東風春意匆匆柳芽纔補舊條空亦見青
青蘭葉底有箇遊蜂 暮靄溼溟濛寂寞誰同龍
涎香試雨聲中記得蠻牋曾鬪句昨歲簾櫳

河傳

鵲

鵲噪林杪最堪聽不數中庭曉鶯箇人春夢愁未
明多情飛來報一聲 移傍繡幢看更好煙裊裊

鑄就薰鑪小臨秋宵度層霄填橋無端費羽毛

鷓鴣天

夜發燕子磯

煙艇西辭白石巖月明千里照抽帆吟邊鴈影停
江面夢裏潮聲撲枕函鄉思切信誰緘短衾寒
重着征衫推篷過否金山寺一半砂九斷嶺銜

鵲橋仙

鸞車咿軋鵲橋宛轉耿耿銀河難瀉分攜天上乍
經年又無數歡娛今夜調花紅甲穿鍼綵綫甚
處紋紗窵下人間離別也經年算第一淒涼今夜

虞美人

故宮

玉階金殿西宮路此日經行處一羣蕃馬擁貂蟬
疑上平沙細草畫屏間私心欲問開元舊賸有
衰娥否夕陽低抹蔣山紅滿眼秋光無樹起秋風

踏莎行

山塘

落日城隅吹煙亭堠澄澄碧浪鋪紋繡不須飛雨
暗江邨風光已到重陽候白鴈縈心黃花在手
停撓且酌壚頭酒清歌一片武丘來家家水閣垂
紅袖

小重山

題電發檢討楓江漁父圖

十里青林半欲酣一奩秋色淨鏡新磨繫人情處

此中多栽東絹點綴小煙波 我亦兩番過半竿
菱葉渡記曾拖朝衫果肯換輕蓑重移艇相向發
清歌

唐多令

斜照沒汀洲回潮帶雨流記停船鴈齒橋頭雲母
橫窓相對啓曾一笑轉雙眸 此意豈無由
此情應易投悔當時胡弗遲畱欲寫相思重喚渡偏此
日鏤春樓

蝶戀花

帳底香殘雲夢歇鵲轉檐牙影落西南月一行短

簾剛半揭新寒衣袂新愁結 隔柳遙聞江上楫
便欲拏來渡口尋桃葉臨水闌干空百折銷魂往
事無人說

又

送燕

幾夜雕梁聲不住秋社匆匆似惜將離苦等得朝
來無一語應知也到銷魂處 半拓窓紗儂語汝
黃葉清江換却來時路此地重重簾幙護不如直
是休歸去

又

有限秋風難得住涼染芙蓉簾外微微雨閒繫猩

紅絲一縷西樓切莫重
行盡冷楓千里路
斷鴈孤蛩後夜添愁緒徒憶一年春好處分開翠
尾花間舞

漁家傲

題畫

春暮風光日午天玉郎重抱玉人眠帷幌半垂簾
半卷何所見蓮花面壓桃花面暖處蘭香恣意
憐不知庭院柳陰遷笑擘羅巾搯粉汗擡皓腕一
痕紅暈看深淺

蘇幕遮

枕

繡吳綾縫越紵碧艾裝成十幅輕綃護暖壓蟬雲

香縷縷轉盼重吹一派銷魂語
怎清宵支逆旅
翻憶拋他玉腕安眠處無那祇期扶夢去除却邯
鄲便入鴛鴦浦

羅帶草卷三終

羅帶草卷四

尊鄉釣師
高
不騫
查客

酷相思

戲題竹垞

短棹低篷尋杜曲見畫裏三楹屋舍碧鮮何曾移
卉木北垞也千竿竹南垞也千竿竹好稱填詞
簾半軸怎向承明宿漫贏得清陰朝暮足人住也
山窻綠人去也山窻綠

青玉案

晚次句容

斜陽馬首山無數映一帶離亭樹昔帽絲鞭尋徑
去幾多蒼翠幾多紅紫不算秋容苦疎鐘驀地

因風度催向城西茅店住遮莫兒童愁逆旅繩牀
對酒板窓停蠟也勝東齊路

紅娘子

七月六日陳彥達再餉水蜜桃并貽一圖索題

露井花期遠人面何由見青鳥傳來幾枚初熟一
枝先剪笑生年未有六千秋已雕枰重薦入手
凝脂軟歷口瓊漿滿攜付良宵穿針樓上芳甘誰
伴向仙源分種料應難倩畫家勾染

江城子

八月十六日夜集季真兄齋聽陳山農彈琴因及舊遊

中秋已過桂蟾盈綠紗輕赤欄明靜展瑤琴有客
坐調冰三峽爭流羣鴈落桐樹外晚風清 去年

今夕正隨兄共揚舲度吳城笑聽邊關絃索可中
亭不似者番家宴好飛急醞任狂生

風入松

秣陵逢岑青巖即送東歸

秦淮十里柳穆穆近接小長干故人憶別春城路
青鸞杳音問難傳不道西來遊屐正逢東去吟鞭
客懷能幾為君寬又理舊征鞍一鐙水閣敲眠
慣如何對紅樹千山更惜滿湖明月誰同後夜憑
欄

祝英臺近

上海旅夜

雨初停風漸緊敗葉打窓眼琥珀杯濃不飲怎生

倦最憐紙帳深遮綺裘重護纔暖得鴛衾一半
翠樓畔應是燭短香殘無寐數更箭望杏歸程好
夢也吹斷更聞海鴈橫天城烏閃樹定添了相思
幾徧
洞仙歌
元夜集季真兄齋
春泥巷陌溼春衫無數纔歇千絲晚來雨看青筠
斷續素幔迢迢香風裏漸起鼙鼙街鼓 黃昏人
倦約隨意尋花白玉堂前笑相聚急餞正催攜月
色嬋娟又喚我新詞同譜算揪笛長安酒家樓按
橋畔偷聲未應輸與

惜紅衣

題畫當歸花

欄藥抽芽蹊桃結子別生春思不倚沉香芳名自
相比絲絲綰住算賭勝羅囊嫌紫沿砌一片低垂
似紅鐙連綴 書牀研几誰倩雀徐臨風寫濃麗
愛他顏色不數浣花紙逢箇隴頭鴻便寄與年年
遊子認相思滿貯如聽杜鵑聲矣

喝馬一枝花

自宣城行四十里飯楊柳舖

太白題詩處鎮日東風吹雨算來看不徧宛陵樹
憑著聲聲謝豹催歸路複嶺行還度飯熟紅蓮初
程知在何許 忽聽壚頭語茅舍翠陰籠戶三升

春酒盃儘君住擲與囊錢看數罷還重數眼波佯
不注鬪笑問今宵馬蹄行向誰去

滿江紅

紫陽橋觀漲

千尺平橋銜一幅青羅織軟輕雷後茫茫誰把柘
黃重渲依約岸容宵自斥淒迷樹色春偏短負來
禽相憶舊圓沙空偷眼 堆幾疊瑤花片響幾隊
香車碾恁時好著箇歸船三板次第開篷點水曲
須臾擊節桐江面未愁他辛苦亂山隈還拖緯

一枝春

花朝前一日小飲山農齋殘梅樹下同用草窗
詞韻

怎計畱他一枝春欲脫朝來疎雨凭欄暗數多少

惜芳情緒東風未管早飛徧壽陽眉嬾想應向堤
柳山桃別引翠酣紅聚 杯銜畫堂深處愛寒條
月上簾移冰縷苔牋幾幅珍重試翻新譜良辰勝
餞也自有爲歡成妒誰似此門掩殘香剪鐙夜語

滿庭芳

張堰憶舊

碧柳塘邊紫荷田外雨餘春水平隄更饒風緊舟
與燕交飛數點遙山高下看未了隱隱斜暉回眸
處悠然已是十載舊張溪 尋思遊覽地梅花在
舍當此芳時正蒙茸綠漲的皜青垂今日玉樓人
遠疎煙裏剩幾橫枝重登眺平蕪一抹望斷板橋

西

長亭怨慢

白門遇梅耦長即送入燕

積多少悲秋意緒匹馬遙尋大長干路鍾阜煙橫
秦淮月滿問誰主幾回懷古奈未就驚人句搔首
看西風巧吹到宣城吟侶 紉素乍攜來半幅圖
徧米家雲樹數行題罷更字字懸針垂露正商量
賞盡河山但雅燕鹿鳴初舉控不住牙樯竟向蓬
池飛去

又

送遠脩姪重赴都門

計歸自清秋將暮鞭影匆匆白溝南路野店輕霜

亂山殘照歷無數旅途如許似只合家林住誰意
乍停橈又纜解離亭疎樹 愁緒爲裁衣燒燭猶
憶臨行前度一般去也悵還有那時情否但華陽
縱繫相思且此際成名休誤到皓月橫街幸慰新
來鄉緒

夏初臨

芍藥紅殘荼蘼碧綻一番春夢重醒行到南園午
風啼住金鶯簾收罨畫荷亭見田田小葉纔生窻
紗暗度研池頻點飛絮堪憎 重愁余處撼撼萋
萋疎疎密密雨打初更香篝斜倚單衫尚怯寒輕

人隔遙汀料無眠且伴孤鐙爲虛名牽伊幾多鳳
想鴛情

天香

龍涎香

冰窟浮膠珠宮濺沫層層碧浪扶起衆鳥飛邊羣
魚躍處好手鮫人先市南中螺鷺還炙取輕灰同
製看去麝臍嫌重攜來鸞餅偏細憐他送涼消
醉鏡臺前博山初徙風動雲移認得吳家心字羅
囊內府餘多少怪金屋纔叨半斤賜隔歲篝衣濃
薰歇未

瀟瀟雨

新荷

纖芽舒遠渚認蕉心卷卷展芳洲待團藥又似青
羅扇小碧玉錢浮舊板橋邊占斷不放落紅流只
有鴛鴦浴驚起香幽漫說秋衣針補便爲篔簹也
細難潤歌喉更那能人髻撩動玉搔頭聽蘭橈采
芳聲靜劃波心小罨釣魚舟涼珠綴棟花風裏急
雨初收

尾犯

筍

青鞵閒踏訝籬根二寸犀尖初發清芬也比幽蘭
好勝遙峰煙末蒼苞漸解問可似愁千疊擬春纖
只當彎環調箏一片銀甲轉眼曉風牆缺抽條

隨布冶葉愛穿窻拂戶未掩玲瓏半鈞斜月雙徑
山僧任教攜贈勸杯中物杳難竝正月河鮪山廚
同煮時節

月下笛

送山農北遊

四壁琴書相看一笑共誰斟酒新橋左右幸移西
麓吟牖燕郊閩嶠行遊倦理一騎歸裘以後問花
柔月淡秋期春信幾曾分手堤柳蟬鳴又喜綠
意紅情儘消長晝橫江鷁首那知催散偏驟自憐
我亦銅駝客去樂事重尋未久但齊卸綠蓑衣辜
負湖田幾畝

無俗念

集王璞菴南樓同周青士賦

驚颿偶駐看金陵山色原來如此冉冉興亡誰可
語結箇烏衣同志北海清尊南樓綺席畱我花間
試風流俊爽坐中多少名士纔過昨夜瞻園銀
瓶玉盃朱李聯吟袂勝友重逢嘉宴又不醉幽情
何已杜曲長歌蘭亭小序斟酌來朝事杯闌欲舞
半輪涼月飛起

桂枝香

蟹

西風斷浦正欵乃租船夕曛爭渡蘄影重重悄向
中流斜布連宵采取無人見但荻岸一鐙微露攜

來曉市筠籠漸啓冷涎猶吐
記曾倚春江柔艣
認金錢點點亂鋪沙
激幾陣輕颺吹到繡螯如許
小紅樓上重陽宴
褪圓臍玉尖持付銷凝
最是黃酥半殼絳脣粘住

水龍吟

白蓮

水晶簾外娟娟玉奴初步凌波
鞦回眸一笑天然
掩却麗妝濃抹蛾綠
裙兒鴛黃髻子交輝粉靨問
蘇郎舊日指環貽處果能否常相狎
露冷風清時節墜
盈盈淚珠如潑無情有恨
看來宛是詩人
曾說素影低昂暗香搖動
幾莖輕折望剪江雙槳

歸來疑載滿船窻月

齊天樂

蟬

森森白雨垂銀竹
槐庭靜無喧吹薄霧
蒸山斜陽
滲樹重聽哀吟
驚起悠揚迤邐
漸嘶到黃昏露濃
風細蛻質高柯
夢縈多少
故宮事朝涼聲又斷
續攬檀郎謝媛
敲枕無寐
螳臂偷加蛛絲巧
罨乍斂餘音迴避
煙條覆水綴兩翼
輕盈問誰堪擬
想見雲鬟倒窺冰鏡裏

又

南湖舟中寄蘅圃主事

冷波桃葉秦淮渡
新霜半凋青樹
北闕還駢東吳

遊屐一笑匆匆相遇征衫脫處向官閣西偏杜蘅
香圃藍尾三升試同朱李小窓語幽情儘能暗
數又千林紅盡此際秋暮花露岡前棲霞寺裏知
續勝遊何許機中白紵倚煙雨扁舟撥鐙裁取濃
寫相思倩輕鴻寄與

又

三月三日度新嶺

流觴佳話濺裙夢天涯料應休矣十里之山千盤
之水別引春朝幽思棕亭小憩望仄徑林梢短橋
花底策杖吟來聲聲相應半空裏青雲曾度越
嶺算苔梯直上舊遊無此欲退仍畱乍停還進小

石闌干頻倚遙峰四起恍碧海參差浪翻紋細斷
梗年年自憐渾是寄

又

題畫絲絲蟲

清商不附春楊柳蕭蕭豆花開候欲斷還連才來
便去辛苦縲車行驟佳人翠袖倚小眼籬邊露華
沾透脉脉心情錦機夜作那堪又年時昵他好
手爲秋籠密織移置吟牖蟬曳殘聲蛩圍亂響笑
問纏綿能否而今賦就似切切淒淒感生歐九寫
入霜紈算崔徐未有

羅君草卷四終

羅君草卷五

憶舊遊

九日同山農行毘陵道中有懷東臯雅集

萼鄉釣師高不騫查客

對圓沙仄岸小驛低橋一綫牽船不淺登臨興問
毘陵古道何處山川幸同故人秉燭相向意悠然
但篷底良辰紫萸黃菊難到尊前回憐舊遊地
正隔水排鐙帶月調絃繪就西園景看白鷗佳句
爭寫蠻牋記得沈郎曾訂北墅更開筵笑我獨開
行今宵祇有清夢還

瑤花慢

曉妝院宇淺暈停施更薄鉛慵御書窗鏡檻應盡
展移坐濃陰簾戶晝長風小理幾幅裘拖新譜正
微涼彩扇初閑聽過數聲疎雨 曲屏圖徧溪山
縱對景懷儂知在何許金爐漸冷嬾自把一片都
梁添炷算來歸好奈世事牽人最苦寄輕舟五月
寒江夜夜抱衾無語

龍山會

庚申九月九日雅集白鷗池上韓平原畫作小
圖諸子以辭間所挂四邊春水碧於天中有白
鷗閒似我一聯爲韻分題
詩詞其上此詞得水字

一剪筠簾啓暗落輕颺點破寒塘水林光穿屋裏
波光映錯認扁舟初艤何處喚登臨笑重上池南

殘壘黯關情五釵松頂塞鴻聲遞 旋挑別院羊
鐙菊殘萸囊結客成歡會平生無限意且今夕對
酒莫辭沉醉醉昵畫中人翻怕惹星文封事又牽
引四千里外五湖歸思

探春

竹垞檢討還

朝賦此送之

采盡珊瑚江南勝地還教指點歸路候吏相迎故
人作伴吟過碧湖煙雨未遂畱連意又遊到舊曾
來處笑攜蓮子深杯話我羅帶新譜 正好幽情
暢敘翻疑怪匆匆芳歲催暮客散鴛波槎迴鳳沼
冷落白鷗洲渚斜月依然在知後夜照伊何許怕

惹相思門掩寒梅一樹

綺羅香

杜鵑花

躑躅呼名臘脂比色移傍雕欄重認二月鮮風吹
坼小苞黃褪攢幾簇剪破綃中綴千箇碾輕瑤軫
訝飄殘杜宇啼痕何年恰把樹頭暈芳菲宜與
管領常共天桃冶杏平分花信底事沉吟青鳥漫
無憑準歸閨苑須為他愁對楚江看來誰忍話前
日開向昭陽有人應插髻

南浦

春水和玉田詞韻

十畝白鷗池寫波光最是西堂春曉層柳引絲長

香風起披拂晴紋如掃雙雙語
出簾低蘸紅襟
小清夢銀塘吹斷也仍見淺深
卓閒來挈箇
漁舟滌殘花幾瓣嘔啞不了煙雨暗橫橋添新漲
百折仙源重到臨谿靜鑠映桃人面門前悄回問
涵空千萬頃能比離愁多少

又

春山用碧山樂府韻

天際翠痕低認卓家境中蛾綠初染牽起冶遊情
桃蹊外參差畫撓停徧暗泉流過竹根斜露犀萌
淺攜來小榼松下坐遙望紅田一片幽香忽度
峰頭有越髻吳鬟身輕似燕和笑倩相扶瓊瓏石

消受屐聲頻點珠宮拜罷寫將多少煙花怨只愁
春盡琅璫鎖探桂秋期還遠

又

秋水壘春山韻

木葉下橫塘訝粉蓮既收色又紅染初浴兩鴛鴦
平橋路媽然拒霜開徧月明三五碎瓊搖漾波心
淺彩雲凝白飛過處閒影悠悠幾片 新潮乍去
還歸任浩瀚連絲迎鴻送燕人在閱江樓西風裏
空認布帆千點長天一色可能流盡蘋花怨小舸
漁笛添幽興煙際飄來聲遠

又

秋山壘春水韻

嵐翠欲沾衣聽西巖賸有蟬嘶清曉殘葉露痕紅
隨風去幽徑迷離誰掃週遮不住樹頭微漏茅亭
小叢菊懸崖香隱隱掩映四圍衰草 青鞵三月
曾經訝丹黃碧綠而今換了扶倦且登高煙巒外
應遇采芝人到南朝舊寺白雲深鑲鐘聲悄飛雨
瀟瀟初過處重見遠峰多少

疎影

梅影

羅浮醉醒見翠痕動地疑是漂梗別院輕風飛到
殘英重鋪黑白交映春前暗憶心知遠擬剪取煙
條持贈怪單衫背月行來移上一枝寒景 放鶴

亭邊曾種穀紋潑艷處低照妍靚好擬瑤妃含態
含情直入妝臺金鏡麋丸未試徐熙手怕轉覓橫
斜無賸甚晚來粉髒模糊十二曉窓看更

又 竹影

搖搖一片正逸聲初度綠雲庭院書幌人閑
寒垂渾是雨飛千點將攜窓底琉璃匣寫橫披半
竿蔥蒨最憎他脉脉斜暉轉到那邊欄檻 儘日
隨風高下看來鉞月裏依舊零亂不比花枝春晝
秋宵更却幾回濃淡連昌宮殿消沉後任淺暈年
年荒蘚問楚江帝子啼痕賸有碧波低蘸

又 鴈影

冷風換碧趁亂鴉滿逕同做秋色悄見晴江似練
平鋪忽灑賺人魚墨分明有字低排過但垂露懸
針無力幻幾回箏柱參差推入數莖疎荻 不少
離羣暗度金河紫塞下應恨孤寂月底驚看裊裊
亭亭莫是依然聯翼劇憐凍雨添新漲向後夜重
尋無跡只認得宿食飛鳴傳寫丹青名筆

又 蝶影

繁花影裏伴蜂聲一派爛漫塔砌翅粉鬢金欲辨
全迷常教細草凝綴有時穿入濃陰去已認是惜

香身死待月明玉女窻心又被晚風扶起
依約
蛾兒來去但飛拍不到紋紗
鐙底問取纖痕兩瓣
殘紅可得輕盈如此紛紛春色鄰牆滿慣幾度隨
形遙遞更一雙落在仙帚新譜翻成百二

鬪嬋娟

斑竹夫人

楚腰圍小山塘路教他蘭鷁迎到碧衫幾點墨痕
飛正不須花鳥愛借與芳名儘好未曾經翠樓人
惱午夢欲來時便對掩羅幃暗抱深院清悄
常
爲粉汗輕沾暖泉初浴一鉤新月來照桃枝紋簟
紫香篝相配都娟妙怪傍玉曾無暑攬此君便擬

稱同調但只怕飄梧後捐棄閑房淚零不少

沁園春

面

薇露初勻暖玉凝香自嫌粉濃看鏡臺移處鰕鬚
遠映瓊梳掠後蟬翼輕籠素柰花開絳桃花笑詩
句
不總未工池欄敞愛半奩秋影倒射芙蓉
畫圖依約曾逢但不及當時芳徑中把障羞紈扇
遮將夜月貯嬌珠幌藏却春風含態傳觴斂愁敲
枕難制盈盈一抹紅翻長袖爲背人偷搵別淚光
融

又
腰

弱不勝春裊裊娉婷當風最宜認曲闌凭晚沉檀
自細洞房開後環珮偏遲一捻畱餘十圍減盡尺
六應憐羊侃姬嬌無奈任東陽憔悴未合憐伊
露桃宮裏誰攜便仿佛香山楊柳枝算繡袖隨拍
舞時易折錦衾行雨夢去山支今夜前宵乍寬還
窄除是仙羣百褶知思君切幸紅綃帶解相見非
時

又
聲

何處飄來軟語嬌啼依然燕鶯想夜窻愁絕細陳
爾爾春閨愛劇頻喚却卿叶好九茲調閑鸚武轉

報層樓紫鳳笙新蟾下怪沉吟半晌無計能聽
芳心不要郎驚甚隔院重呼小玉名笑金釵兩鬢
盛傳珠殿孤城一片高唱旗亭縱擬停雲爭如話
雨門掩梨花淺復清分攜久借衍波牋紙說盡平
生

又
影

國色無雙疑怪鏡中丰姿宛然似蟬紗畫就一般
濃淡蘭鐙照澈別樣嬋娟貼牖穿簾伴人岑寂驀
向銀屏小比肩侵階去又瑤臺月下一晌周旋
朝來日出東邊竝樓外花枝入戶妍勝秋千院落

粉牆斜倚春泥陌上碧草橫眠每到濺裙時逢拾
翠先見清流漾玉蓮園閣暇爲憐伊在畫賦筆曾
牽

摸魚子

尊

挂秋風布帆低亞平原邨畔還往回思舊日論殊
味千里香羹曾尚波似掌愛一片斜暉剛照冰絲
亮詩歌互唱有荷笠閒僧持竿野叟各自采來餉
山廚近織手調成半晌吳鹽楚鼓齊放銀針流
梳脂黏筋拚盡滿瓶家釀挈畫舫記嫩綠生時先
摘西湖上穆穆一樣只鈿葉畱青釵莖輸紫未動

季鷹想

又

自張堰泛舟至秦山小飲田舍晚經沈涇還作

縱輕舟板橋西路正逢煙景初霽赤溪楓樹看猶
近蚤到翠微峰底蘭棹樣度百折危梯更上層樓
裏疎簾半啓問叢桂香中朱欄窈窕何處玉人倚
山塘外十里蒼葭凝綴尋來雙犬迎吠仙翁一
笑爲開徑話久新醅教試風又起便檢點低篷撐
過眠鷗地最饒佳致有牧豎漁蠻乘潮濯足商略
煮菰米

金縷曲

歸自石城曹十經方對客飲有客以舊京風景
爲問漫賦此解

谷口呼蘭棹挂秋風天斜數幅布帆林杪客路逢
人頻點筆那似東干同調喜此夕無從猜到臨水
紋紗剛剪燭漏微紅把我歸航照雙玉盃酒重倒
尊前只說金陵好鎮誰知高臺辱井半埋荒草
舊事淒涼愁未已新恨更縈懷抱看小簾移來行
稿過徧先朝鐘鼓地向頽陽幾箇功臣廟秦淮柳
也疎了

十二時

梁谿元夕

最無端讀書窓裏不待春風吹到把白纓青絲都
卷又趁漁郎撥棹野水痕寬浮嵐色淡積雪消林

表過斷岬廢圃誰家遶屋數株紅白參差開了
閒更看芙蓉湖畔正是粉蛾爭鬧亂插篔簹低懸
翠靱一片晶籠皎聽曲闌洞簫餘音夜半嫋嫋
算恁時題殘鳳紙酒力堪人敲倒翻怪愁腸尊前
底事只憶家林好向夢中髣髴還歸畫樓雙笑

羅帶草卷五終

蘇東坡集卷五
九



